



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Item alia forma ad hoc idem.

urn:nbn:de:hbz:466:1-13589

Abbas in situ. tit. 25. num. 2. quot autem incommoda
 ista fuerint in causis fidei, ex eo quod Episcopi alia
 negotia praeulerint negotijs fidei, copiose veterum
 monumenta, & nostri saeculi haereses aperitissime te
 stantur.

Quo vero tempore fuerint primum Inquisitores
 delegati in causa fidei constituti, qualia fuerint eorum
 incrementa, officia, privilegia, munera, & partes, co
 piose docuimus in peculiari libro de hoc ipso argu
 mento, quod ob breuitatem hic tradere omitimus; ta
 mensi res sit cognitum iucundissima, nec inutilis.

Officium delegatae inquisitionis (ut obiter illud
 hic dicam) exploratum est in prouincia Prouinciae
 sine in Gallia Narbonensi primum beato Domini
 co fuisse commissum, ab eoque circa annos Domini
 MCC. sumpsisse prima exordia, temporibus Innocē
 tiij tertij Pontificis Maximi.

Fuit B. DOMINICVS Canonicus Oxomenfis,
 vir sanctitate insignis, & Theologie peritia clarus,
 & verbi Dei predicator admirabilis, ex illustri, &
 antiqua Guzmanorum familia ortus. is fidei zelo
 accensus, aduersus instantes tunc Albigeniū, &
 aliorum haereses, fidem Christi imperterritus predi
 cat, & quia multi conuertebantur, ut saluaret eis
 imponeret penitentias, absolueretq; redemptes, facul
 tatem a Sede Apostolica id faciendi plenā obrinet,
 & in Italiam ex partibus Tolosanensibus migrat. cū
 B. FR. ANCISSCO multam habet familiaritatem.
 hi duas insignes Religiones in Ecclesia Dei velut
 duo clarissima sidera constituant, & officium dele
 gate inquisitionis suis Fratribus exercendum relin
 quunt, & in Italia adhuc exerēt. In Hispania quoq;
 fratres ordinis Dominicani qui post obitum sancti
 Dominici potissimum multum in ea prouincia cre
 uerunt, plurimumq; semper, vitā ac morū honesta
 re profecerunt, & singulari doctrina, & sanctitate
 claruerunt eidem sancte Inquisitionis officio contra
 haereticam prauitatem, & apostasiam Apostolica
 auctoritate perfecti fuerunt. Sed cum temporibus
 Domini Innocētiij Papae octauij, & Regū Catho
 licorum Ferdinandi, & Isabellae idem officium de no
 uo esset introductum seu verius institutum, ac re
 nouatum, ut ait Albertinus in repetitione ca. 1. de
 haer. lib. 6. q. 12. nu. 4. clericis secularibus Decreto
 rum, ac legum peritis committi captum fuit, donec
 paulatim ad eosdem fuit omnino deuolutum, ita ut
 nunc nullae sint iam amplius in eo fratrum Domi
 nicanorum partes, quamuis sepe Inquisitores in iudi
 candi propositionibus eorum opera utantur, & cō
 sultorum munere apud sanctum officium fungantur.

Hoc igitur officium post aliquot secula in Hispania
 reuocatum apparet anno 1. Pontificatus Innocētiij Pa
 pe viij. videlicet anno Dñi MCCCCXXXIII. E
 ut cōstat ex prima Hispanensi instructione, quo an
 no auctoritate Pontificia, Catholici Regib. postu
 lantibus, celeberrimus virorum in utroq; iure, & sa
 cra theologia doctissimorum commentus Hispani habi
 tus fuit, cui praefuit frater Thomas de Torquemada
 ordinis Fratrum Predicatorum Prior monasterij
 sancte Crucis Segobienfis primus Inquisitor genera
 lis Regnorū Hispanie. In eo conuenticū stabilitus or
 do fuit, quē obseruare oporteret aduersus haereticam
 prauitatem, satis constantiq; super eo negotio salu

A berrimis legibus ac constitutionibus quibus et ho
 die inquisitores Hispania prudentissimē utuntur.

In eodem conuenticū (ut apparet ex c. 3. eiusdem pri
 me Hispanensis instructionis) cautum fuit, ut Inqui
 sitores in suis diocēsisbus edictum proponerent cum
 dilatione triginta, uel quadraginta, uel plurimū
 dierum, prout melius eis visum fuisset, intra quam
 quicunq; sponte suos errores, & haereses coram In
 quisitoribus plenē confiterentur, & alios haereticos
 indicarent, admitterentur ad penitentiam saluta
 rē, & Ecclesiae reconciliarentur, nec mortē aut uin
 cula, nec honorum publicationem seu confiscationē
 patrentur. Atq; haec fuerunt prima initia delegatae
 inquisitionis tam in Gallia, quam in Italia, & Hi
 spania, ex quibus hic Elymerici locus fit illustris.

De absentia, & fuga delati

QVINTVM quod prorogat, & dilatat iudi
 cium, sententiam, & processum Inquisitoris est,
 ipsius delati absentia, fuga & elongatio, & haec
 quandoque est culpabilis ipsi delato, quandoque
 non. Quando enim Inquisitori accusatur, seu de
 nuntiatur aliquis, quod est haeresi aliqua irreti
 tus, & ipse non est praesens in loco, ubi est Inqui
 sitor, est tamen in alio loco domiciliatus, in se ter
 minos iurisdictionis Inquisitoris, tūc dicitur ab
 sens, sed non fugiens: & tunc recepta primitus
 aliquali informatione, poterit citari per modum
 frequentem.

Forma citandi absentem, non tamen fugi
 tuum, cum est delatus, uel suspe
 ctus de haeretica prauitate.

FRATER N. ordinis Fratrum Predicatorum, in
 terris talis domini, Inquisitor haereticæ praui
 tatis, dilecto in Christo tali, Salutem, & manda
 tis nostris, imō uerius Apostolicis firmiter obe
 dire.

QVIA de persona uestra talia à fide dignis,
 ad nostram notitiam sunt deducta: quae si uera
 essent, de fide redderet uos suspectū; ideo ex de
 bito iniuncti uobis officij, uos monemus perem
 ptorie per praesentes, quatenus tali die, tali hora,
 curetis ante nos in tali loco personaliter compa
 rere, modo debito responsurus. Datum, &c.

Item alia forma ad hoc idem.

FRATER N. ordinis Predicatorum, in terris di
 citi domini talis subiectis, Inquisitor here
 ticae prauitatis, a sancta sede Apostolica speciali
 ter delegatus, dilecto nobis in Christo rectori
 talis ecclesiae, talis diocēsis, Salutem in Domino
 & mandatis nostris, immo uerius Apostolicis,
 prompto animo obedire.

CVM talis parochianus uester fuerit delatus
 nobis de haeretica prauitate, & teneamur ex iniū
 cto nobis officio, nos de huiusmodi informare;
 idcirco auctoritate dñi nostri Papae, qua fungi
 mur in hac parte, uobis districte praecipimus, &
 mandamus, quatenus praedictū talē parochianū
 uestrum,

Quis dicatur
 absens, & nō
 fugiens.

vestrum, coram testibus fide dignis, vno pro trino, peremptorio ceteris edicto, vt de fide responsurus, & veritatem de se, & de alijs dicturus super crimen hæresis, tali die, & loco compareat personaliter coram nobis: alioquin eidem notificetis ex parte nostra, quod nisi comparuerit, vt sibi iniungitur per præsentem, procedemus contra eum, eius contumacia non obstante. Vos autem quicquid inde feceritis, per vestras patentes litteras, diem, locum, & modum citationis, ac testiũ, qui affuerint, nomina continentes, quam citius fideliter rescribatis: Reddatis litteras portatori in signum mandati nostri completi, vestro sigillo posito in eisdem. Datis, &c.

332 Quando vero delatus talis exiit totam iurisdictionem Inquisitoris, & iuit ad alias partes, nõ vt fugitiuus, sed ex alijs certis causis, ignorans se Inquisitori fore delatum: tunc Inquisitor procedat ad se informandum testes examinando secreta, vt ad prædicti delati notitiam (si culpabilis existit) quod inquiratur contra eum, non perueniat, informetq; se dictus Inquisitor, an dictus delatus sit venturus vel non; & si venturus est, expectet eum etiam per annum, vel plus, si oportuerit, & tunc examinet, & procedat vt iustitia suadebit. Si venturus non est, sed domicilium mutauit, poterit requirere Inquisitorem, vel diæcesanum, quorum iurisdictioni subest locus, ad quem se transtulit recepta prius informatione contra eũ, quatenus mittant eum sibi: vel poterit mitte re processum, vt faciant quod fuerit rationis.

333 Quando vero contra delatum inquiratur, vel captus pro hæresi detinetur, & iste timens de se, exhibet terga fugæ, in tali casu potest Inquisitor diligenter, & secretè, & sine tumultu inquirere, vbi sit, seu declinauerit; & si inueniat, siue sit infra suam iurisdictionem, siue extra, faciat eum capi, & ad se remitti. Nam si est intra, potest requirere dominum temporalem, quatenus illum capiat, & infra districtum suum ducat; & potest etiam mandare alteri domino quod faciat similiter, quousque eum habeat, iuxta c. Vt inquisitionis, de hæret. lib. 6.

Si autem reperitur extra iurisdictionem ipsius Inquisitoris, nihilominus potest procedere contra eum, iuxta c. Vt commissi, de hæret. lib. 6. & requirere, vt dictum est, diæcesanum, vel Inquisitorem illarum partium in subsidiũ iustitiæ, quatenus talem delatum de hæretica prauitate, vel deprehensum, qui commisit infra suam iurisdictionem, & contra quem processum fecit, capi faciant, & remittant: vel si vult, mittat eis processum, vt faciant quod iustitia suadebit. Modus autem requirendi erit tenoris consimilis.

COMMENT. XXXIII.

331. 2. Quid de persona vestra talia a fide dignis ad nostram notitiam sunt deducta, &c.]

In citatione verbali quid obseruandũ.

Dixi supra in hac 3. par. nu. 73. cum timetur de fugæ delati, nullo modo esse faciendam verbalem citationem, sed ad realem citationem, hoc est, ad capturam esse deveniendum, nunc addo (quia hic locus hoc postulat necessario) in hac citatione verbali nullo modo esse in specie causam, ob quam reus citatur, ap

A ponendam: sed generaliter reo præcipiendum est, ut se coram Inquisitoribus sistat, quia volunt ab eo quædam scire: & proinde nec loci, nec temporis, nec delicti specificatio requiritur. ita tradit, & vere (s) radus Brunus lib. 4. c. 6. de hæret. quer. sequitur si mancas de catho. insti. tit. 44. nu. 12. & hoc est rationi valde consonum: nam si causa apponeretur, statim reus citatus inciperet cogitare de fuga, maxime si sibi alicuius criminis conscius esset; ideoque relictus, & tutius fiet generaliter ei præcipere, vt veniat ad Inquisitores: quoniam illis opus est, quoad ab eo percunctari. iam hæc citatio verbalis tunc vsurpanda est, cum de leuioribus criminibus agitur, vel cum leuiter suspectus est reus: alias enim securus est ad realem confugere.

B Causam autem & facultatem citandi absentes Inquisitoribus concessam pulchre tradit Innocentius rescripto quodam Inquisitoribus Ultramonianis missis, ut ait auctor innominatus tract. de forma & procedendi contra inquisitos de hæresi, in rubric. De ijs, quæ pertinent ad executionem officij inquisitionis, num. 13. in hæc verba: Quia sicut intimantibus vobis accepimus, propter fauorem, & credentium hæreticorum insidias non potestis ad aliqua loca securè accedere, audire confessiones de hæresi suspectorum, vel reis huiusmodi criminis penitentia iniuncturi: Nos volentes eisdem insidijs obuiare, citandi dictos hæreticos vel suspectos, pro hæresi pro audiendis eorũ confessionibus, & penitentijs iniungendis ad loca vobis tuta, ea præcipue in quibus poteritis habere prælatorum, & aliorum proborum consilium, in his præsertim casibus, in quibus deberet ferri sententia contra ipsos hæreticos, de consilio prælatorum, & auctoritate vobis præsentium concedimus facultatem. hæc ibi.

Fit tamen interdum, ut graue sit scelus in fide commissum, nec tamen liceat delinquentem capere, quoniam vel latitat, vel sui copiam facere nõ vult, & tunc verbaliter per litteras est citandus, in quibus causa exprimens est, & citatio concipi poterit in hæc ferme vel similia verba:

Ad notitiam nostram peruenit, plerisque fide dignis hominibus id de te narratibus, scripta quædam in publicũ a te edita esse, in quibus quædam catholica fidei contraria dogmata a te asserta continentur: quibus, & plebem Christianam in publicis concionibus, & priuatis congressibus infecisse diceris: Quoniam autem nostri officij est, vulpeculas vineam Domini deuastantes capere: idcirco te tanquã forum dogmatum assertorem, & de multo rum errorum temeraria doctrina suspectũ, & infamatum euocamus, & citamus sub tenore præsentium, vt infra terminum, N. dierum, quorum N. pro proximo N. pro secundo, & N. pro tertio & peremptorio termino, & monitione canonica tibi præfigimus, & assignamus, vt in auditorio hu-

ius nostri tribunalis compareas, respon-
sus ad ea, quæ tibi in causa fidei, & de as-
serta tua doctrina obijcientur, & receptu-
rus, & facturus in omnibus iustitiæ com-
plementum: aliàs procedemus contra te,
sicut iura disponunt, & tua contumacia, &
delicta exegerint.

Ita poterunt concipi huiusmodi citationes muta-
tis mutandis, iuxta delicti, & personarum qualita-
tem, siue fiant à Concilijs, siue ab Episcopis, siue à
delegatis Inquisitoribus.

b Dilecto nobis in Christo rectori talis eccle-
siæ, &c. In priori forma citandi, ad ipsimet citā-
dam directæ sunt litteræ citationis; hic vero ad paro-
chianis mittuntur, qui ex parte Inquisitorum eum ci-
tat, ut coram ipsis compareat: hæc vero praxim, quæ
contemnenda non est, ex concilio Biterrensi desum-
pisse videtur Emericus, in eius c. 3. ita scriptum
est: Clericis, & laicis in loco illo, de quo fiet cita-
tio convocatis per aliquam personam Ecclesiasticam,
cui hoc per vestras patentes literas committatis,
qui in testimonium recepti mandati, sigillū suū
litteris eiusdem appendat, & nihilominus referi-
bat per suas patentes similiter litteras cum suo sigil-
lo pendenti, qualiter, & coram quibus, & quādo
mandatum impleverit sibi factum. *hactenus ibi.*

c Si venturus non est, sed domicilium muta-
vit, poterit requirere Inquisitorem vel diocesa-
num, &c. quatenus mittant eū sibi. Quia Eyme-
ricus in hac praxi de recuperando absente, videtur
iudicare, aut absente esse remittendū, aut processū
esse desinatim ad eum Inquisitorē, in cuius iuris-
dictione absens ille moratur: propterea de remissio-
ne reorū pauca hic mibi, & breuiter sunt dicenda, cū
nusquam commodius hoc tractari possit in hoc opere,
sitque res utilis, & cognitu necessaria, ut quid fa-
cto sit opus, iuxta iuris regulas intelligatur.

De hoc articulo copiosè differit Couarruias in
practiis quæstionibus c. 11. nu. 5. & seq. Bernar-
das Comensis in Lucerna verbo, Inquisitor. §. 24.
Julius Clarus in pract. crim. §. fi. q. 38. vers. est aut,
Joannes Roias in singularibus fidei, sing. 174. in-
cip. Remittendus est reus. Zanchinus tract. de hæ-
ret. c. 8. Gondissalvus tract. de hæret. q. 8. nu. 10. Si
maneat de catbo. instit. tit. 2. nu. 14. & seq. Anro-
nius Columbanus in tract. procedendi in controuer-
siis criminalibus, art. 141. & seq. Ioan. And. Fran-
chus, & ceteri communiter, in c. ut commissi, de hæ-
ret. lib. 6. Barro. & communiter Doctores in auth.
qua in prouincia. C. ubi de crimin. agi oportet. Guido
Pape dec. 202. incipien. In remissione malefa-
ctoris. & alij multis locis: ex quibus fuse hanc quæ-
sionem tractatibus nos summam proposito nostro
deseruientem accipiemus.

Ac primum comunis opinio est, ut testatur Ioā-
nes Roias loco præcitato, remittendum esse reum ad
iudicē loci in quo deliquit, quā probat text. in auth.
ut nulli iudicem. §. si vero quis comprehensori. &
in l. capitaliū. §. famosus. ff. de pœ. & alibi sepe: nec
desunt rationes, quibus nitatur communis hæc senten-
tia: Prima, quia punitio delinquentis in loco delicti
alijs transiit in exemplū, ut in præcitato §. famosus.

A Rursus, quoniam facilius probatur in loco ubi est
commissum, quam alibi. *authen. ut omnes obediant
iudici. §. hoc considerandum.* Postremo, quia iudex
loci in quo delictum est perpetratum super reum,
ratione delicti acquisiuit iurisdictionem, quam ut
puniendo possit exercere, remittendus est sibi reus.

B Verumtamen in crimine hæresis remissionem nō
habere locum, sed posse hæreticum puniri quocumque;
in loco repertus fuerit, videntur velle Paulus de
Leazaris, & Zabarella in clementina pastoralis. §.
Denique. de re iud. Guido Pape, in dicta deci. 202.
nu. 2. Cassaneus super consuetu. Ducatus Burgun-
dia, Rubrica duodecima. Des adueuz. nume. 17.
Gondissalvus tract. de hæret. q. 8. & alij, ut refert
Couarruias in practiis quæstionibus, c. 11. nume.
12. Et horum potissima ratio est, quoniam hæreti-
cus ubique offendit diuinam maiestatem, & omnē
creaturam lædit, cum etiam elementis faciat iniu-
riam. l. Arriani. & l. Manicheos. C. de hæret. &
quia, ut dicit Ioannes Andreas in d. c. ut commissi
de hæret. lib. 6. ubi quæque est malè credens, ubi pec-
cat, ideoque ibidem puniri poterit, nec propterea re-
mittendus videtur.

Et quanquam hæc ita se habeant, nihilominus in
hac causa sequentia putarem esse obseruanda. Si in-
quisitor loci, in quo commissum est delictum, petat
sibi remitti reum absentem, id fieri debet, alias non
est necesse. ita videntur sensisse Guido Fulcodius in
consultationibus ad Inquisitores, q. 5. quem paulo
post referam. Couarruias in pract. q. ca. 11. nu. 12.
& Ioannes Roias in dicto singulari. 174.

Rursus, si hæreticus ubique (verbi gratia, Bono-
nia a qua recessit, & Ferrarie in qua nūc habitat)
vel publicè vel occultè peccat, & remissio petatur,
fieri etiam debet: quanquam si publicè utrobique pec-
cauit, melius esse putarem adiungere penitentiam
iterabilem, quam faceret in eis locis, in quibus deli-
quit, ut in eisde satisfaceret: quod sensit Guido Ful-
codius præcitato loco, ut mox ostendam.

D Tandē multo magis fieri debet remissio si petat-
ur, cum hæreticus per actum exteriorē est profes-
sus hæresim Bononia, Ferrarie vero occultat hæ-
resim, & solo prauo animo retinet: nam hoc casu præ-
cipuè locum habent rationes allatæ paulo antea pro
comunī opinione: nec video quid huic remissioni, si
petatur, obstitare possit: & pro hac sententia facit
docet Cynus de hac quæstione differens, in l. cunctos
populos. in fine. C. de sum. Tron. dicens ex sententia
Petri, remittendum esse hæreticum ad locū ubi hæ-
resim exercuit, & ubi magis sunt nota delicta sua,
quia ad locum maioris delicti quis remittendus est.
l. si cui. §. cum sacrilegium. ff. de accusat.

E His ita constitutis, nonnulla sunt amplius obser-
uanda, ut remissio iure fieri possit: ac primum ut re-
missio fiat, constare debet de crimine commisso, hoc
est, iudex requisitus non debet reum petiitum in cau-
sa criminali remittere sine causæ cognitione: debet
enim coram iudice remittente aliquo liter constare
de delicto. Cardinalis in clem. pastoralis. §. denique
de sent. & re iudicata. Oldradus cōs. 124. incipien.
Quod remissio. & Fernandus Vasquius lib. 1. de
successionem creatione. §. 6. nume. 16. vers. denique,
circa finem.

In causa hæ-
resis an remit-
tendus reus.

Quid exiga-
tur in remis-
sione facien-
da.

Secundo

Secundo exigitur, vt constet crimen esse commissum in territorio iudicis requirentis. l. 1. c. vbi de crimine agi oportet. id autem constabit ex processu vel summaria illa informatione, quam iudex requirens mittit ad iudicem requisitum, & in hoc casu ad inquisitorem vel Episcopum alterius diocesis.

Tertio, quod non commiserit idem vel aliud crimen in territorio iudicis, penes quem detinetur. nā antequam remittatur, debet ibi de tali crimine puniri. l. cui. §. fin. & l. si. de accusatio. quod videtur perbare nō obstruere concilium Narbonense, c. 20. cuius verba retuli infra in hac 3. par. super q. 52. quod tūc in primis obseruandum esset in hoc crimine, cū reus in territorio iudicis requisiti publice heresim professus, deliquisset: tunc enim non prius consulere remittendum quam si debitas ibi penas lueret.

Quarto opus est, vt iudex debitē requiratur, aliter non debet remittere. authen. ut nulli. iudicum. §. si vero quis cōprehensorum. debitē autē requiritur, cum iustē requiritur, & a legitimo indice requiritur, his obseruatis documentis, quæ nunc sigillatim tradimus.

Quinto, quod delictum sit graue, quoniam pro delicto minimo non debet fieri remissio. Geminianus in c. cum sit Romana. §. contrabentes, nu. 17. versi ad secundam dicit de foro compet. lib. sexto, & probat tex. in dista authen. vt nulli. iud. §. si vero quis comprehensorum. vt notat glossa in c. si. verbo, ratione delicti. extra de foro competen. crimen autem heresis semper est graue, quamquam pro leui heresis suspicione remissio non sit necessaria.

Sexto, quod remissio petatur inter subditos eidē imperio. Baldus in l. 2. c. de seruis fugitiuis. in hac vero causa quibus Inquisitor, à quouis Inquisitore cuiuscumque prouincia remissionem petere poterit: quia quoad hanc causam omnes sunt Romani Pontificis delegati, & crimen est merè ecclesiasticum, ratione cuius nulli domino temporali subsunt Inquisitores, sed soli Romano Pontifici, aut generalibus Inquisitoribus. debet obtēperare; quia ratione sub eiusdem imperio esse merito dici possunt. itaque si delinquentium culpa ita exegerit, & commodum videatur, ac opportunum, ab Italia in Hispaniam, & nice versas, rei huius criminis remitti debet: quod & in alijs prouincijs ob publicam vtilitatem, & criminis grauitatem penitus esset obseruandum, nullis privilegijs, aut immunitatibus quidquam inuatiuis, qua ratione heresis amittuntur. l. 1.

Septimo, in alijs delictis exigitur, vt remissio petatur fieri à minori tribunali ad maius, vel saltem ad equale: quoniam non fit de maiori tribunali ad minus. Oldradus in dicto consi. 134. sed in crimine heresis ob rationes hactenus memoratas hac contemplatio locum non habet: quauis enim indices maiores non cogantur remittere reos inquisitoribus alijs petentibus: at iustissimum erit, & æquissimum concedere illis peti am remissionem, vt in quo loco reus deliquit, penas luat.

Postremo, remissio fieri debet de condēnando, nō de iam puuto, & condēnato. Baldus in l. executor. c. de executio. rei iud. Cassaneus ad consuetudines ducatus Burgundia. rub. 12. nu. 19. Ceterum in hoc crimine cum penitentia iterabilis imponi pos-

sit, quia in diuersis locis agatur, ut tradit Zacharias tract. de heret. c. 8. num. 7. & Guido Fulcodius in consultationibus ad Inquisitores, qua. §. 5. etiam in condēnato in vno loco, remissio poterit haberi locum. si quis enim & Bononia, & Ferraria deliquit & Bononia, et Ferraria penitere poterit. atque hęc sunt diligenter in hac causa obseruanda. cuius autem expensis fieri debeat hæc remissio, paulo post docebo versic. nos enim offeremus.

d Et si inueniat, siue sit infra suam iurisdictionem, siue extra, faciat eū capi, & ad se remitti. Hoc est prudenter, & diligenter obseruandum contra

B Regulos, & quoslibet dominos terrarū, qui vt nescio quas suas immunitates tueantur, non verentur Inquisitorum ministris se opponere, quoties illi rei huius criminis inuestigant, non permitteutes quomquam extrahi è suo territorio: intelligat ergo hæc omnino licere inquisitoribus, vt hic admonet Emericus, quod saluberrime iam olim sancinit cōcilium Tholosanum, c. 8. (à quo hæc videtur auctor accipisse) in hæc verba: Statuimus etiam, vt quilibet in terra alterius possit inquirere, & capere hereticos, & balliui locorum teneantur eis prestare auxilium, & fauorem: ita quod balliui Regis in terra Comitum Tholosani, & aliorū hoc facere possit, & Comes Tholosanus, & alij in terra Regis. hactenus ibi. In Hispania quoque Hispanensi prima instructione anni M CCCC LXXXIII.

c. 21. idem cauetur adiecta pena contra dominos temporales, qui non obediuerint Inquisitoribus. Eius instructionis verba à nobis latine reddita ita habet: Item quia Serenissimi Reges precipiunt, & ratio ita postulat, vt æqualiter fiat inquisitio super delicto heresis in terris nobilium, sicut in suis Inquisitores tam praesentes, quam futuri debent in suis diocesibus ordinare, ut eant liberè ad faciendam inquisitionem in dictis terris. Quod si mandatis Inquisitorum nobiles non paruierint, procedant contra rebelles & contumaces ad imponendas omnes censuras, & penas à iure statutas, hæc ibi. de quo est textus in c. vt inquisitionis de heret. lib. sexto, Tradit etiam Gondissalvus tracta. de heret. q. 11. nu. septimo, & hæc sententia de extrahendis reis è territorio cuiuscumque domini temporalis, procedit fauore fidei, etiam si reus extrahendus sit subditus domini.

D e Si autem reperiat extra iurisdictionem ipsius Inquisitoris, nihilominus potest procedere contra eum. Casam tradit eleganter Guido Fulcodius in consultationibus ad Inquisitores, qua. §. 5. in hæc verba: Quam autem in eos habeant potestatem, qui cū scirent eos procedere domicilium mutauerunt, quæri nō oportet; nā si citati erant non mutant forum, quia prauenti sunt. ff. de iurisdictione. omn. iud. cum quædam puella. extra de foro competenti, propofuisti, quod si citati non erant, & ibi iam deliquerant, ibi possunt conueniri ratione delicti, & remittendi sunt. C. vbi de crimi. agi oportet. auth. qua in prouincia, & in authen. vt nulli iudicum. §. si vero. & 3. q. 6. c. 1. & si deliquerunt in pluribus locis, vtrobique puniri possunt in bonis: sed & in corpore, si penitentia sit eis indicēda, q̄ sit iterabilis: puta peregrinatio

nes, vel elemofyna: sed in carcere secus, sicut patet lippis, & tonforibus. *hactenus ille. Quod refert et sequitur auctor in monuitatus tractatu de forma procedendi contra Inquisitos de heresi, in rub. de ijs, quae pertinent ad executionem officij, nu. 14. f.* Vel si vult mittat eis processum, vt faciant q. iustitia suadebit. *Videatur hic Eymericus arbitrio Inquisitorum relinquere, an velint remitti sibi reus, aut potius cum puniri in loco, in quo reperitur: quod cum decreuerint, mittent causam instruatam ad iudicem, in cuius territorio reus versatur. ceterum quae paulo antea docuimus, existimo obseruanda. quoties autem videbitur opportunius non esse remittendum reus, sed puniendum vbi moratur: tunc quicquid vnus Inquisitor de eo scierit, ad alium mittere debet, vt sancit Concilium Narbonense ca. 21. quod retuli infra super quae. 42. vbi video: & multa sunt, quae quandoq; remissionem iuste impediunt, vt si timeatur quod reus sit in itinere a suis amicis, seu fautori bus interceptus & eripiendus e manib. ministro rum, seu custodum: interdum longu iter, & impesa inmodice, & similia, quae prudenter sunt obseruanda. haec enim suadent plerumq; melius esse puniri reum in loco vbi moratur, quam remitti ab locu delicti.*

Forma requirendi diuifim, vel coniuictim diocesanum, vel Inquisitorem, ad quorum iurisdictionem fugiendo, vel non fugiendo delatus de heresi se transtulit, quatenus eum remittant Inquisitori, a quo fugit: vel in cuius iurisdictione deliquit.

Reuertendo in Christo patri, & domino Episcopo talis ciuitatis, ac venerabili, & religioso viro fratri N. in dominio talis domini Inquisitori haereticae prauitatis, frater N. in dominio talis domini, Inquisitor haereticae prauitatis, a sancta sede Apostolica specialiter delegatus, Salutem, & impugnantes catholicam veritatem reducere ad fidei vnitatem.

CVM delicta remanere non debeant impunita, & praesertim maiora, & inter ea, illa, quae veritatem in directam offensam diuinae maiestatis, & iacturam Ecclesiasticae dignitatis, detrimentumque totius Christianitatis, qualia sunt crimina haereticae prauitatis, & talis de tali loco fuerit nobis delatus de haeretica prauitate, processimus contra eum ad testium examinationem, & ad personae etiam captionem iustitia requirente; ipse vero mala malis accumulans, & delicta delictis coadunans, infano ductus consilio, se absentauit, vel carcerem nostrum fregit atque aufugit, medicinam sibi apponi metuens salutarem, ac eius vulnera vino, & oleo confoueri: verum cum prope ad nostram notitiam est deductus, dictus profugus ad talem locum vestrae iurisdictioni subiectum se transtulerit ad habitandum, credens inhiberi latitare: Nosque vilceraliter cupiamus eundem reducere ad carcerem antedictum, vt clarius videa-

Amus, an sit realiter, & de facto infectus praefata haeretica prauitate, de qua agitur contra eum, & an ambulet in tenebris, vel in luce: Vos Reuer. dominum Episcopum, & vos venerabilem Inquisitorem, in antea nominatos attente rogamus, ac in subsidium iustitiae requirimus in Domino, & exhortamur, quatenus praedictum profugum capi omnimode faciat, & captum nobis ad talem ciuitatem, vel locum cum fida, & tuta custodia remittatis. Nos enim offerimus nos promptos, & paratos, ad satisfaciendum plenarie pro expensis. Datum in tali loco, tali die, talis mensis, anno tali.

Alia forma ad idem.

Reuertendo in Christo patri ac domino diuina prouidentia Episcopo talis ciuitatis, vel Venerabili ac religioso Fratri N. in partibus talibus Inquisitori haereticae prauitatis: Salutem, & fidem catholicam feruenti spiritu defendere.

CVM longè sit grauius, & aeternam quam temporalem laedere maiestatem, & reis lesa maiestatis profugis locus non pateat, in quo valeant liberè se tueri, sed vbi cumq; inueniantur, sint capiendi, ac et remittendi, ne tam facinus pertranseat conuenientibus oculis, ac crescentibus periculis impunitum, secundum legitimas sanctiones: Quanto minus haereticae lae respersis profugis, reis inquam sacrae diuinae imperatoriae maiestatis, aduersarijs irrefragabilis catholicae veritatis, ac seminatoribus pestis proditoriae falsitatis, & peruersoribus ecclesiasticae potestatis, debet patere locus alicubi se tuedi: nequaquam: sed sunt ad potestatem ecclesiasticam reducendi, vt secundum modum culpae consequatur modulus vtiq; & plagarum. Sanc cum talis de tali loco foret antefata haeretica lae respersus, ac in eadem peste iudicialiter deprehensus, & ea causa in nostris carceribus detentus, vt de eo fieret quod iustitia suaderent, ipse humani generis inimici infano consilio ductus, pariter & seductus, abhorrens salubre sibi pena infligi temporalem, vt euaderet aeternam, & expauescens medicinarum fomentum eius cruentatis vulneribus salubriter, ac misericorditer exhiberi; nos Inquisitor eius, & consilium salutare, medicum animarum, more infirmi frenetici, & infani fugit pariter, & aufugit: Nosque in praesentiarum, & merito amplius quam prius cupientes totis nostris praecordiis eius magis ac magis vulneribus, delictis, & inobedientibus cruentatis,

Emedicinarum fomentum imponere salutare, vt non in corpore, & anima damnabiliter moriatur sed viuat in Domino, & ad vnitatem fidei catholicae vtiliter conuertatur: Ea propter vos Reuer. dominum Episcopum antedictum, vel vos Venerabilem dominum Inquisitorem antefatum, in subsidium iustitiae requirimus, in Domino exhortantes, quatenus dictum profugum in tali loco vestrae iurisdictioni subiecto (vt scimus certitudinaliter) commorantem, captum cum fida, & tuta custodia ad nos in tali loco, eo breuius quo poteritis, remittatis; notificantes vobis nostrarum tenore praesentium litterarum, quod ad satisfactio-

G g

† c. Vergitis. ac haeret.

Prou. c. 25.